



Broj:01-01-SB-42836-II/19
Sarajevo, 09.12.2019. godine

SKUPŠTINA
KANTONA SARAJEVO
N/r Predsjedavajući Skupštine Kantona Sarajevo

Predmet: Odgovor na zastupničko pitanje zastupnika Samira Suljevića

Primili smo Vas akt broj 01-05-38844-138/19 od 05.11.2019. godine kojim ste nam prosljedili pitanje postavljeno na 14. Radnoj sjednici Skupštine Kantona Sarajevo održanoj 30.10.2019. godine u okviru tačke dnevnog reda "Poslanička/zastupnička pitanja, inicijative i odgovori", kojim je zastupnik Samir Suljević postavio zastupničko pitanje:

1. Da li Zavod zdravstvenog osiguranja Kantona Sarajevo plaća KCUS za usluge patohistoloških analiza?
2. Da li je Univerzitetski klinički centar u Sarajevu u obavezi izvršiti usluge patohistoloških analiza osiguranim licima, te da li postoji iznimka kada to nije?
3. Da li imate informacije da UKCS ista odbija izvršiti, te da ista vrši isključivo uz prethodno plaćanje pacijenta (osiguranih lica)?

S tim u vezi dostavljamo slijedeće:

Ugovorom o pružanju zdravstvene zaštite potpisanim sa Kliničkim centrom Univerziteta u Sarajevu zdravstvena ustanova se obavezuje da će osiguranim licima Kantona Sarajevo pružati zdravstvenu zaštitu u skladu sa svojim osnivačkim aktom, te pravilima struke, dostignućima medicinske nauke, primjenom savremenih metoda i postupaka kojima se osigurava što efikasnije, kvalitetnije i potpunije liječenje.

Članom 102. Zakona o zdravstvenoj zaštiti („Službene novine F BiH“ broj 46/10 i 75/13) definiše su jedinice koje u svom sastavu najmanje mora imati svaka bolnica. Stavom 2. istog člana propisuje se, takođe, da bolnica mora imati: medicinsku rehabilitaciju, patologiju, citološku, mikrobiološku i biohemijsku dijagnostiku i mrtvačnicu i to bilo kao vlastitu službu ili kao ugovorenu sa zdravstvenom ustanovom koja ispunjava uslove predviđene zakonom za obavljanje navedene djelatnosti i ima odobrenje nadležnog organa. Klinički centar Univerziteta u Sarajevu u svom sastavu, ima organizovanu kliničku patologiju i citologiju u okviru dijagnostičke discipline, te su usluge patohistoloških analiza dio programa rada ustanove za koji se obezbjeđuje naknada.

Članom 9. Ugovora regulisno je da je zdravstvena ustanova, u slučaju da nije u mogućnosti pružiti zdravstvenu uslugu, dužna osiguranom licu izdati pisanu obavijest u kojoj će biti naznačeni razlozi nemogućnosti, odnosno obavijest na kojem mjestu liste čekanja se nalazi osigurano lice, ukoliko se radi o zdravstvenoj usluzi za koju je utvrđena lista čekanja. Navedene potvrde obavezno trebaju sadržavati naznaku da li se radi o zdravstvenoj usluzi hitnog karaktera shodno odredbi člana 32. Zakona o pravima, obavezama i odgovornostima pacijenta.

Ukoliko zdravstvena ustanova ne izvršava ugovorom preuzetu obavezu pružanja zdravstvenih usluga osiguranim licima Zavoda, Zavod vrši umanjenje utvrđene naknade za iznos sredstava refundiranih osiguranom licu po predmetnom osnovu.

Na osnovu zahtjeva za refundaciju sredstava upućenih Zavodu od strane osiguranih lica koja su lično snosila troškove pružene usluge, Zavod ima saznanja da Klinički centar Univerziteta u Sarajevu usluge patohistoloških analiza naplaćuje u slučajevima kada sam osiguranik dostavlja bioptički materijal na analizu uzet u nekoj drugoj zdravstvenoj ustanovi bez obzira da li je to privatna zdravstvena ustanova ili druga ustanova iz Kantona Sarajevo sa kojom Zavod ima zaključen ugovor. Zavod zdravstvenog osiguranja Kantona Sarajevo, uz priloženu medicinsku dokumentaciju u kojoj je data preporuka ljekara da se uradi patohistološka analiza i potvrdu ugovorne zdravstvene ustanove da usluga nije mogla biti pružena, vrši refundaciju sredstava osiguranom licu, s tim da se u slučaju, kada se radi o ustanovi sa kojom Zavod ima zaključen ugovor, koja je trebala pružiti uslugu, a nije, umanjeње ugovorena naknada za iznos refundiranih sredstava.

S poštovanjem,

D I I

Sakib Katana dipl.oec.



Dostaviti:
1. Naslovu
2. a/a

█